

- 1<sup>r</sup> Wer nit die rechte kunst studiert
- 2<sup>r</sup> Der selb jm wol die schellen rürt
- 3<sup>r</sup> Vnd würt am narren seyl gefürt



### von vnutzem studieren

- 1 Der studenten ich ouch nit fyr
- 2 Sie hant die kappen vor zů stür
- 3 Wann sie alleyn die streiffen an
- 4 Der zippfel mag wol naher gan

5 Dann so sie soltten vast studieren  
 6 So gont sie lieber bübelieren  
 7 Die jugent acht all kunst gar kleyn  
 8 Sie lerent lieber yetz alleyn  
 9 Das vnnütz vnd nit fruchtbar ist  
 10 Das selb den meistern ouch gebrist  
 11 Das sie der rechten kunst nit achten  
 12 Vnnütz geschwätz alleyn betrachten  
 13 Ob es well tag syn / oder nacht  
 14 Ob hab eyn mensch / eyn esel gmacht  
 15 Ob Sortes oder Plato louff  
 16 Solch ler / ist yetz der schülen kouff /  
 17 Syndt das nit narren vnd gantz dumb  
 18 Die tag vnd nacht gant do mit vmb  
 19 Vnd krützigem sich vnd ander lüt  
 20 Keyn bessere kunst achten sie nüt  
 21 Dar vmb Origines / von jnn  
 22 Spricht / das es sint die frösch gesyn  
 23 Vnd die hunds mucken die do hant  
 24 Gedurechtet Egypten landt /  
 25 Do mit so gat die jugent hyen  
 26 So sint wir zů Lyps / Erfordt / Wyen  
 27 Zů Heidelberg / Mentz / Basel / gstanden  
 28 Kumen zů letst doch heym mit schanden  
 29 Das gelt das ist verzeret do  
 30 Der truckery sint wir dann fro  
 31 Vnd das man lert vff tragen wyn  
 32 Dar vß würt dann eyn henselyn  
 33 So ist das gelt geleit wol an  
 34 Studenten kapp will schellen han

e iij

---

9 Das GW5046 GW5047 ] Was GW5041